



NA MEĐUNARODNOM AERODROMU SARAJEVO PRIVEDEN MIREL KARAJIĆ IZ VELIKE KLADUŠE

Ženi zabranio da radi, pa otišao da ratuje u Siriji

Mir u svojoj državi zamijenio ratom u tuđoj uprkos tome što ima dvoje djece

Dragan SLADOJEVIĆ

SARAJEVO, VELIKA KLADUŠA - Mirel Karajić (30) iz Velike Kladuše uhapšen je preksinoć na Međunarodnom aerodromu Sarajevo zbog sumnje da je od novembra 2014. do juna prošle godine bio na sirijskom ratištu, gdje je ratovao na strani terorističke organizacije Islamska država.

"Nezavisnim" je potvrđeno da je riječ o bezbjednosnim agencijama odranije poznatom mladiću, vebabiji koji je mir u svojoj državi zamijenio ratom u tuđoj uprkos tome što ima dvoje djece.

Spekuliralo se da je on, navodno, zabranio svojoj supruzi, inače nastavnici, da radi u jednoj osnovnoj školi u Velikoj Kladuši, čime je slijedio propise vebabij-skog pokreta kojem je pripadao.

Karajića su, u nastavku akcije "Damask", pripadnici Državne agencije za istrage i zaštitu (SIPA) uhapsili po naredbi Tužilaštva BiH i to, prema našim saznanjima, nakon što su ga isporučile turske vlasti.

"On je, dakle, ranije uhapšen u Turskoj i u toj državi bio je u pritvoru, a sada je ispušten u BiH", rekao

je sagovornik

"Nezavisnih" upućen u detalje hapšenja Karajića.

Prema saopštenju iz SIPA, terete ga za pripadanje terorističkoj grupi, odnosno za protivzakonito formiranje i pridruživanje stranim paravojnim ili parapolicijskim formacijama.

"Osoba lišena slobode privedena je u službene prostorije SIPA, gdje se

kriminalistički obrađuje, nakon čega će se, shodno uputama postupajućeg tužioca Tužilaštva BiH, odlučiti o njenom daljem statusu", saopštila je juče Kristina Jozic, portparol SIPA.

Mještani Velike Kladuše ističu da su čuli za hapšenje

njegovog sugrađanina, ali i dodaju da ne znaju ništa o njegovom djelovanju, odnosno ratovanju u Siriji.

"Ja sam ga vidio nekad davno. Otišao je u Siriju, to je poznato duže vrijeme. Ne znam da je u Velikoj Kladuši izazivao neke probleme. Malo išta o njemu znam", rekao nam je jedan mještаниn.

S Karajićem je put Sirije otišao i njegov sugrađanin Alija Keserović, takođe pripadnik vebabij-ske zajednice u BiH, u koju je Keserovića uključio Bilal Bosnić, vođa tog pokreta u BiH, a koji je takođe pao u akciji "Damask", te je zbog terorizma nepravosnažno osuđen na sedam godina robije.

Akcija "Damask" do sada je rezultirala hapšenjem više od 40

lica koja povezuju sa terorizmom, a proteklih nekoliko sedmica nje-no težište je usmjereno upravo na Veliku Kladušu, gdje je nedavno uhapšeno nekoliko osumnjičenih za vrbovanje boraca za potrebe Islamske države, čija su obilježja pronađena tokom pretresa, baš kao i oružje.

Podsjetimo, takođe nedavno zbog sumnje da je pokušao da se pridruži teroristima u Siriji uhapšen je i Senad Košćak (23), takođe iz Velike Kladuše. "Nezavisnim" je ranije potvrđeno da se u BiH do sada vratilo oko 50 ratnika iz Sirije i Iraka.

UHAPŠEN PO NAREDBI TUŽILAŠTVA BiH, NAKON ŠTO SU GA ISPORUČILE TURSKE VLASTI



BIO PRITVOREN U TUSKOJ

U BiH se do sada vratilo oko 50 ratnika iz Sirije i Iraka

